





墨子卷之十三

兵部侍郎兼都察院右副御史巡撫陝西西安等處地方贊襄務兼理糧餉 欽賜一品頂帶畢沅校注

魯問第四十九

魯君當是魯陽文君楚縣之君謂子墨子曰吾恐齊之攻我也可救乎

子墨子曰可昔者三代之聖王禹湯文武百里之諸侯也

說忠行義取天下三代之暴王桀紂幽厲讐怨忠行暴失天

下吾願主君之上者尊天事鬼下者愛利百姓厚為皮幣

卑辭令函徧禮四鄰諸侯此毆國而以事齊患可救也非願

言非此無可為者齊將伐魯子墨子謂項子牛曰伐魯齊

之大過也昔者吳王東伐越棲諸會稽西伐楚葆昭王於

隨北伐齊取國囚子以歸於吳諸侯報其讐百姓苦其勞

从俞改

王補說文一改
願為願

王補大守云國子
國書也

而弗爲用是以國爲虛戾身爲刑戮也昔者智伯伐范氏
與中行氏兼三晉之地諸侯報其讐百姓苦其勞而弗爲
用是以國爲虛戾身爲刑戮用是也故大國之攻小國也
是交相賊也過必反於國子墨子見齊大王曰太平御覽無大字下
同今有刀於此試之人頭倅然斷之倅字異文作倅可謂利倅讀如倉倅
乎大王曰利子墨子曰多試之人頭倅然斷之可謂利乎
大王曰利子墨子曰刀則利矣孰將受其不祥大王曰刀
受其利試者受其不祥言持刀之人子墨子曰并國覆軍賊放殺
百姓舊作放非太平御覽引作殺案說文云放古文殺出此今依改正此書觀覽者少故猶存古字如廣雅然
也慎勿改亂之孰將受其不祥大王俯仰而思之曰我受其不祥
魯陽文君將攻鄭子墨子聞而止之謂此下當脫魯字陽文君曰

今使魯謂魯陽四境之內大都攻其小都大家伐其小家殺

其人民取其牛馬狗豕布帛米粟貨財則何若魯陽文君

曰魯四境之內皆寡人之臣也今大都攻其小都大家伐

其小家奪之貨財則寡人必將厚罰之子墨子曰夫天之

兼有天下也亦猶君之有四境之內也今舉兵將以攻鄭

天誅丌不至乎魯陽文君曰先生何止我攻鄭也我攻鄭

順於天之志鄭人三世殺其父未詳其事天加誅焉使三年不

全我將助天誅也子墨子曰鄭人三世殺其父而天加誅

焉使三年不全天誅足矣今又舉兵將以攻鄭曰吾攻鄭

也順於天之志譬有人於此其子強梁不材故其父笞之

其鄰家之父舉木而擊之曰吾擊之也順於其父之志則

王曰在乃連言此
若畢改非也

豈不悖哉子墨子謂魯陽文君曰攻其鄰國殺其民人取其牛馬粟米貨財則書之於竹帛鏤之於金石以為銘於鍾鼎傳遺後世子孫曰莫若我多二字舊作多今賤人也亦攻其鄰家殺其人民取其狗豕食糧糧字俗寫衣裘亦書之竹帛以為銘於席豆以遺後世子孫曰莫若我多可乎魯陽文君曰然吾以子之言觀之則天下之所謂可者未必然也子墨子為謂魯陽文君曰世俗之君子皆知小物而不知大物今有人於此竊一犬一兔則謂之不仁竊一國一都則以為義譬猶小視白謂之白大視白則謂之黑是故世俗之君子知小物而不知大物者若此舊二字倒一本如此言之謂也魯陽文君語子墨子曰楚之南有啖人之國者

橋其國之長子生則鮮一本作解而食之謂之宜弟美則以遺

其君君喜則賞其父豈不惡俗哉子墨子曰雖中國之俗

亦猶是也殺其父而賞其子何以異食其子而賞其父者

哉苟不用仁義何以非夷人食其子也魯君之嬖人死魯

君為之誅魯人因說而用之子墨子聞之曰誅者道死人

之志也今因說而用之是猶以來首從服也未詳魯陽文君

謂子墨子曰有語我以忠臣者令之俯則俯類字俗寫令之仰

則仰處則靜呼則應可謂忠臣乎子墨子曰令之俯則俯

令之仰則仰是似景也古影字只作景葛洪加多而明刻淮南子有注云古影字或以此為

高誘文則非始于葛沅案道藏本淮南子注無此三字蓋明人妄增耳今尚書亦有影響字寫者亂之處則

靜呼則應是似響也君將何得於景與響哉若以翟之所

王据尚同於歸
補按文二

謂忠臣者、上有過則微之以諫、已有善則訪之上、而無敢以告外、匡其邪而入其善。匡字舊闕注云太祖廟諱上字蓋宋本如此今增尚而無下比。句以以美善在上而怨讐在下、安樂在上而憂感在臣。此翟之謂忠臣者也。魯君謂子墨子曰：「我有二子，一人者好學，一人者好分人財，孰以為太子而可？」子墨子曰：「未可知也。或所為賞與，舊作興以意改為是也。鈞者之恭，鈞字俗寫從魚莖文類聚引作鈞案玉篇有鈞字云丁叫切亦作鈞。取魚出此墨書如此類字由後人抄寫以意改為大都出自六朝。凡秦以前書傳皆篆簡耳不應有此以相傳既久亦不改也。非為賜也。賜字一本作魚賜莖文類聚作魚餌鼠以蟲。餌舊作蚘非据莖文類聚改非愛之也。吾願主君之合其志功而觀焉。魯人有因子墨子而學其子者，其子戰而死，其父讓子墨子。子墨子曰：「子欲學子之子，今學成矣。戰而

从王改費讀
曰悒

从王乙正

王曰盛与成同

死而子悒，是猶欲糶。糶讐則悒也。售字正作讐豈不費哉？魯之南鄙人有吳慮者，太平御覽引作吳慮冬陶夏耕，自比於舜。子墨子聞而見之，吳慮謂子墨子：「義耳義耳，焉用言之哉？」子墨子曰：「子之所謂，二字舊倒以意改義者亦有力以勞人，有財以分人矣。盛，句然後當一農之耕，分諸天下，不能人得一升粟，籍而以為得一升粟。籍藉字假音其不能飽天下之飢者，既可睹矣。翟慮織而衣天下之人矣。盛，然後當一婦人之織，分諸天下，不能人得尺布。籍而為得尺布，其不能煖天下之寒者，既可睹矣。翟慮被堅執銳，救諸侯之患，盛，然後當一夫之戰，一夫之戰，其不御三軍，既可睹矣。翟以為不若誦

先王之道而求其說通聖人之言而察其辭上說王公大人當脫說字次說匹夫徒步之士王公大人用吾言國必治匹夫徒步之士用吾言行必脩故翟以為雖不耕而食飢句不織而衣寒句功賢於耕而食之織而衣之者也故翟以為雖不耕織乎而功賢於耕織也吳慮謂子墨子曰義耳義耳焉用言之哉子墨子曰籍設而天下不知耕教人耕與不舊脫此字一本有教人耕而獨耕者其功孰多吳慮曰教人耕者其功多子墨子曰籍設而攻不義之國鼓已下鼓字皆从支而使衆進戰與不鼓而使衆進戰而獨進戰者其功孰多吳慮曰鼓而進衆者其功多子墨子曰天下匹夫徒步之士少知義而教天下以義者功亦多何故弗言也若得鼓而

進於義則吾義豈不益進哉子墨子游公尙過於越公尙

過說越王越王大說舊作悅下同此俗寫字今改正謂公尙過曰先生苟

能使子墨子於越而教寡人請裂故吳之地方五百里時

已亡入越故曰故吳以封子墨子公尙過許諾遂為公尙過束車五

十乘以迎子墨子於魯曰吾以夫子之道說越王越王大

說謂過曰苟能使子墨子至於越而教寡人請裂故吳之

地方五百里以封子墨子謂公尙過曰子觀越王之志

何若意越王將吾聽言用我道則翟將往量腹而食度身

而衣自比於羣臣一本作奚能以封為哉抑越不聽吾言不

用吾道而我往焉則是我以義糶也糶舊作糶下同以意改呂氏春秋作翟

鈞之糶句亦於中國耳何必於越哉呂氏春秋高義云子墨子游公上過於越

能而也

从王補說文二

从王衍曰字而字从愈
改出象士与仕通
从王補說文二

从愈改从王補說文

从王改

公上過語墨子之義越王說之謂公上過曰子之師苟有
 至越請以故吳之地陰江之浦書社三百以封夫子公上
 過往復於子墨子子墨子曰子之觀越王也能聽吾言用
 吾道乎公上過曰殆未能也墨子曰不唯越王不知翟之
 意雖子亦不知翟之意若越王聽吾言用吾道翟度身而
 衣量腹而食比於賓萌未敢求仕越王不聽吾言不用吾
 道雖全越以與我吾無所用之越王不聽吾言不用吾道
 而受其國是以義翟也義翟何必越雖於中國亦可即用
 此文義翟亦子墨子游魏越曰既得見四方之君子則將
 當為義翟亦子墨子曰凡入國必擇務而從事焉國家昏亂則語
 先語子墨子曰凡入國必擇務而從事焉國家昏亂則語
 之尙賢尙同國家貧則語之節用節葬國家熹音湛湏說
 云熹則語之非樂非命國家淫僻無禮則語之尊天事鬼
 說也則語之非樂非命國家淫僻無禮則語之尊天事鬼
 國家務奪侵凌即語之兼愛非曰擇務而從事焉子墨子
 曰出詳未曹公子面於宋三年而反睹子墨子曰始吾游於
 子之門短褐之衣短从豆聲翟羹朝得之則夕弗得祭祀

鬼神而以夫子之政何家厚於始也有家厚何謹祭祀鬼
 神然而人徒多死六畜不蕃身湛於病吾未知夫子之道
 之可用也子墨子曰不然夫鬼神之所欲於人者多欲人
 之處高爵祿則以讓賢也多財則以分貧也夫鬼神豈唯
 擢季季拊肺四字有誤之為欲哉今子處高爵祿而不以讓賢一
 不祥也多財而不以分貧二不祥也今子事鬼神唯祭而
 已矣而曰病何自至哉是猶百門而閉一門焉曰盜何從
 人若是而求福於有怪之鬼豈可哉魯祝以一豚祭而求
 百福於鬼神子墨子聞之曰是不可今施人薄而望人厚
 則人唯恐其有賜於已也今以一豚祭而求百福於鬼神
 唯恐其以牛羊祀也古者聖王事鬼神祭而已矣今以豚

祭而求百福則其富不如其貧也彭輕生子曰往者可知
來者不可知子墨子曰籍設而親在百里之外則遇難焉
期以一日也及之則生不及則死今有固車良馬於此又
有奴馬驚古字只作奴一本四隅之輪於此使子擇焉子
將何乘對曰乘良馬固車可以速至子墨子曰焉在矣來
盧云似謂焉在孟山譽王子問曰昔白公之禍執王子問
不知來文誤此正字餘文作腰直兵當心謂之曰為王則生
斧鉞鈎要者後改亂之耳不為王則死王子問曰何其侮我也殺我親而喜我以楚
國我得天下而不義不為也又況於楚國乎遂而不為文
云遂亡也从彡豸聲王逸注楚詞云遂往也義王子問豈
出于此經典多借為豸字而忘其木豸从意也
不仁哉子墨子曰難則難矣然而未仁也若以王為無道

俞云然生言馬也
當作一句讀

則何故不受而治也若以白公為不義何故不受王句誅
白公句然而反王言何不借王之權以殺故曰難則難矣
然而未仁也子墨子使勝綽事項子牛項子牛三侵魯地
而勝綽三從子墨子聞之使高孫子請而退之曰我使綽
也將以濟驕而正嬖也濟止也今綽也祿厚而謫夫子夫
子三侵魯而綽三從是鼓鞭於馬靳也說文云靳當膺也
作勒非言欲馬行而鞭其前所以翟聞之言義而弗行是
自困猶使人仕而反來侵我也
犯明也綽非弗之知也祿勝義也昔者楚人與越人舟戰
於江楚人順流而進迎流而退見利而進見不利則其退
難越人迎流而進順流而退見利進見不利則其退速越
人因此若執函敗楚人公輸子舊有曰字自魯南游楚焉

从王補檢文一

从王改

从王改

太平御覽引作公始為舟戰之器太平御覽引作具作為鉤強之
 輸般自魯之楚退者鉤之進者強之太平御覽引作謂之鉤拒量其鉤
 強之長而制為之兵楚之兵節越之兵不節楚人因此若
 執敵而敗越人公輸子善其巧以語子墨子曰我舟戰有鉤
 強不知子之義亦有鉤強乎子墨子曰我義之鉤強賢於
 子舟戰之鉤強我鉤強我鉤之以愛揣之以恭弗鉤以愛
 則不親弗揣以恭則速狎舊脫一狎字以意增狎而不親則速離故
 交相愛交相恭猶若相利也今子鉤而止人人亦鉤而止
 子子強而距人人亦強而距子交相鉤交相強猶若相害
 也故我義之鉤強賢子舟戰之鉤強公輸子削竹木以為
 離離成離而飛之三日不下文選注云案墨子削竹

从王改
或作劉

彼公輸子自以為至巧子墨子謂公輸子曰子之為離也
 不如翟太平御覽引作匠之為車轄太平御覽有也字須臾劉劉三寸之木
 劉鏤字假音太平而任五十石之重故所為巧利於人謂
 之巧不利於人謂之拙韓非子云墨子為木為三年而成
 能使木為飛墨子曰不如為車輓之巧也用尺之木不
 費一朝之事而引三十石之任致遠力多於歲數今我
 為為子太巧巧為輓拙為輓與此異也公輸子謂子墨子
 曰吾未得見之時我欲得宋自我得見之後予我宋而不
 義我不為子墨子曰翟之未得見之時也子欲得宋自翟
 得見子之後予子宋而不義子弗為是我予一本子宋也
 子務為義翟又將與子天下

公輸第五十

史記子原文當有此八字

以愈補

公輸盤史記集解後漢書注文選為楚造雲梯之械成張

列子注云雲梯將以攻宋文選注引作班為楚造雲梯之械成張

將以子墨子聞之起於齊自魯往是行十日十夜而至

於郢文選注引云公輸般欲以楚攻宋墨見公輸盤公輸

盤曰夫子何命焉為子墨子曰北方有侮臣願藉子殺之

公輸盤不說子墨子曰請獻千金一本作公輸盤曰吾義

固不殺人子墨子起再拜曰請說之吾從北方聞子為梯

太平御覽引作階將以攻宋宋何罪之有荆國有餘於地而不足

於民殺所不足而爭所有餘不可謂智宋無罪而攻之不

可謂仁知而不爭不可謂忠爭而不得不可謂強義不殺

少而殺衆不可謂知類公輸盤服子墨子曰然乎不已乎

太平御覽引公輸盤曰不可吾既已言之王矣子墨子曰

胡不見我於王公輸盤曰諾子墨子見王曰今有人於此

舍其文軒鄰有敝輦而欲竊之舍其錦繡已上十一字舊

增一本亦有輦鄰有短褐而欲竊之舍其梁肉鄰有糠糟

而欲竊之此為何若人王曰必為竊疾矣太平御覽子墨子

曰荆之地方五千里宋之地方五百里七字舊脫據此猶

文軒之與敝輦也太平御覽引敝作荆有雲夢犀兕麋鹿

滿之太平御覽江漢之魚鼈鼃鼉為天下富宋所為無雉

兔狐狸者也太平御覽此猶梁肉之與糠糟也荆有長

松文梓榿柟豫章說文無榿字玉篇云鼻縣切榿木似豫

字指云榿木似豫章尸子作宋無長木此猶錦繡之與短

王據及止楚師竹編補按文一

王曰禪衣不可已
為械畢改非也
牒字曰正屬一雖
曰牒版也史記
索隱曰牒者川
木札也

禍也臣以三事之攻宋也戰國策云臣以王吏之攻宋王

事尸子作王使太平為與此同類臣見大王之必傷義而

不得平御覽有或當在此王曰善哉雖然公輸盤為我

為雲梯必取宋太平御覽引有云宋王曰公輸子天下之

三字皆與此異豈此於是見公輸盤子墨子解帶為城以

為械舊作牒太平御覽引作襟北堂書抄作襟案作襟

云云徒賴切禪衣也襟同又案陳孔璋為曹洪與文帝公

書云墨子之守紫帶為垣折箸為械則似以意改用之公

輸盤九設攻城太平御覽之引有具字機變子墨子九距

之公輸盤之攻械盡子墨子之守圉史記集解引作固一

禦有餘太平御覽引有云今公輸設守之械墨子設守之

兵輟不攻宋公輸盤誦太平御覽引作而曰吾知所以距

子矣吾不言子墨子亦曰吾知子之所以距我文選注引

吾不言文選注引楚王問其故子墨子曰公輸子之意不

過欲殺臣殺臣宋莫能守文選注有可攻也然臣之弟子

禽滑釐等三百人已持臣守圉之器史記集解在宋城上

而侍楚寇矣雖殺臣不能絕也楚王曰善哉吾請後漢書

楚無攻宋史記集解矣文選注子墨子歸過宋天雨庇其

間中庇守間者不內也故曰治於神者眾人不知其功爭

於明者眾人知之文與戰國策及尸子略同高誘

侍乃侍字誤

墨子卷之十三

靈巖山館刊

墨子卷之十四

鄒魯兼都察劄御史巡撫陝西安寧處地贍墾兼理糧餉 飭品羈畢沅校注

備城門第五十二

說文云備慎也荀具也經典通用備為荀具之字此二義俱通

禽滑釐問於子墨子曰由聖人之言鳳鳥之不出

見論語

侯畔殷周之國

殷盛也孫云爾雅云殷中也言周之中葉

甲兵方起於天下大

攻小強執弱吾欲守小國為之柰何子墨子曰何攻之守

禽滑釐對曰今之世常所以攻者臨

一詩傳云臨臨車也陸德明音義云韓詩

作隆孔穎達正義曰鉤二詩傳云鉤鉤梯也衝

臨者在臨下之名所以鉤引上城者衝

說文云輻陷轍車也高誘注淮南子云衝車大鐵著其轆

端馬被甲車被兵所以衝於敵城也又曰衝所以臨敵城

稱兵書有作臨車衝車之法按輻正字衝假音梯四案即

堙

何休曰一本作湮案當為堙俗加土說文云堙塞也玉篇云

古謂之土山今謂壘道用生牛皮作小屋并四面蒙之屋
中置運土人以防攻擊者注云即孫子所謂距闔也鑿地
為道行於城下用攻其城往往建柱積水六穴七突八空
薪於其柱園而燒之柱折檣部城摧積水六穴七突八空
洞九蟻附注十使卒徐城上如蟻緣城殺士也轆輶十一
御覽云太公六韜曰凡三軍有大器攻圍邑有轆輶臨衝
城中則有雲梯飛樓周遷輿服襍事曰積楹今之轆輶也
其下四輪從中權之至敵城下說文云轆輶淮陽名車穹隆
轆玉篇云轆輶兵車作輶輶音相近藝文類聚引孫子
又作粉楹通典云攻城戰具作四輪車上以繩為脊生牛
皮蒙之下可藏十人填隍推之直抵城下可以攻掘金火
謂之轆輶車軒車二敢問守此十二者柰何子墨子曰
我城池修守器具推粟足推粟言上下相親又得四鄰諸
侯之救此所以持也且守者雖善而君用之五字則若不
可以守也若君用之守者又必能乎守者不能而君用之
則猶若不可以守也然則守者必善而君尊用之然後可

俞云下文及守圍城之
法至古謂轆輶是也
凡百十二字當在杜然
後可言守也出下而下
接此十四者皆具至則
雖言言者不能守矣
三十三字再接故凡守
城之法云云

以王改

以守也故凡守城之法備城門為縣門舊脫門字据太平御覽增沉機
長二丈廣八尺為之兩相如句門扇舊作問扁改數促同令相
接三寸施土扇上舊土扇作土扇非通典守拒法云無過
二寸塹中深丈五廣比扇說文云塹長以力為度塹
之末為之縣可容一人所容至諸門戶皆令鑿而幕舊作
下文孔孔舊作攷之疑脫各為二幕二一鑿而繫繩長四
尺已上縣救車火為烟矢射火城門上鑿扇上為棧說文
也塗之法涂字俗寫从土本書迎敵祠亦只作涂通典守拒
塗之防火持水麻升草盆救之麻一升草門扇薄植說文
箭飛植戶植皆鑿半尺一寸一漆弋弋長二尺說文云見
也薄假音字皆鑿半尺一寸一漆弋弋長二尺說文云見
疑間一寸相去七寸厚塗之以備火城門上所鑿以救門
字

以王改斗与草
盆皆以持水
以王改說字極
勢也

火者各一垂水垂火三石以上小大相雜

門植關必環鋼與音相近以鋼疑此字金若鐵鏃之說文

鏃也此與鏃音同說門關再重鏃之以鐵必堅梳關梳字

疑作關二尺梳關一莧管字假音春秋左封以守印時令

人行貌封視疑及視關人桓淺深桓表門者皆無得挾斧

斤鑿鋸椎已上救車城上二步一渠高誘注淮南子云渠

立程丈三尺冠長十丈辟長六尺二步一荅漢書注云晏子曰

也葵藜廣九尺表舊作表据前十二尺前漢書注云晏子曰

程長三尺冠長十尺臂長六二步置連槌舊作槌以意改

也孟子音義云丁徒頂切通典守拒法云長斧長椎各一

連槌如打禾連枷狀打女牆外上城敵人長斧長椎各一

物槍二十枚周置二步中已上渠二步一木弩通典守拒

以黃連桑柘為之弓長一丈二尺徑七寸兩梢三必射五

寸絞車張之大矢自副一發聲如雷吼敗隊之卒

十步以上及多為矢節毋以竹箭楛趙披榆可蓋求齊鐵

夫播以射衛疑衝字及櫓樅已上木二步積石石重千鈞

以上者五百枚後漢書注引作積石百枚重毋百盧云疑

百脫下字或以亢疾犁此正字漢書注作葵藜非通典守

尚有脫字以亢疾犁拒法云敵若木驢攻城用鐵葵藜

下而壁皆可善方疑縵二步積笠舊作笠至大一圍長丈

敦之壁皆可善方疑縵二步積笠舊作笠至大一圍長丈

五百枚狗屍長三尺喪以弟瓮喪藏兀端堅約七十步積

杜子高謂周官也
人曰鄭謂狐多也

从王補

搏大二圍以上長八尺者二十枚二十五步一竈竈舊脫

字据太平有鐵鑿上小下若甌日甌讀若岑方言云甌自

御覽增有鐵鑿上小下若甌日甌讀若岑方言云甌自

關而東或謂之鬻容石以上者一二石以上為湯戒以

太平御覽引作鑿容石以上者一二石以上為湯戒以

愈曰言廣設不可
通下廣字當為脩

愈曰方房之段字平
步置二房者而守者
入鬼之所

从王改

从俞改

王云俞本起覽
他立

王改夫為矢
從身後說
跌臂皆取象于人身

為湯已上積石笠狗及持沙毋下千石毋下猶三十步置

坐候樓通典守拒法有云却敵上建埃樓以樓出於堞四

尺說文云堞城上廣三尺廣四尺當云下板周三面密傳

之夏蓋上五十步一藉車疑即巢車巢藉車必為鐵纂

也纂假音字五十步一井屏當為周垣之高八尺五十步

一方方尚必為關籥守之五十步積薪毋下三百石善蒙

塗毋令外火能傷也百步一櫛椳舊从起地高五丈三層

下廣前面八尺後十三尺上稱議衰殺之言稱此而百

步一木樓樓廣前面九尺高七尺樓勒居物疑吻坊疑

坊屏牆也又或同出城十二尺百步一井井十

壘舊作百步再再十以木為繫連水器容四斗到六伴者

百百步一積雜科一本大二圍以上者五十枚百步為櫓

說文云櫓大盾也櫓廣四尺高八尺為衝術百步為幽贖未廣三

尺高四尺者千二百步一大樓大舊作立據城中廣二丈

五尺二太平御覽引云二百步一長二丈出樞五尺城上

廣三步到四步乃可以為使鬪俾倪說文云俾城上女牆

作僻倪眾經音義云三倉云俾倪城上俾倪也杜預注左傳

小垣也一云三倉作顛現又作埤駁廣三尺高二尺五

寸陞高二尺五廣長各三尺遠廣各六尺城上四隅童異

高五尺四尉舍焉已上候樓井櫛椳木樓井城上七尺一

渠長丈五狸三尺省文去堞五寸夫夫字俱未詳疑即長

丈二尺臂長六尺半植一鑿內後長五寸夫兩舊作兩鑿

渠夫前端下堞四寸而適狸渠鑿坎覆以瓦冬日以中脫

或是馬夫寒皆待命若以瓦為坎城上千步一表長丈棄

水者操表搖之五舊衍一十步一廁與下同園說文云之

廁者見爾雅不得操言不得城上三十步一藉車當隊者

不用城上五十步一道陞高二尺五寸長十步城上五十

步一樓字未拔勇勇必重土舊作土樓百步一外門發

樓左右渠之為樓加藉幕舊作幕棧上出之以救外城上

皆毋得有室若他舊作也可依匿者盡除去之城下州道

內疑周百步一積藉母下三千石以上善塗之城上十人

一什長通典字拒法云城上五步有伍長十屬一吏士一

帛尉帛同百步一亭高垣丈四尺厚四尺為閨門兩扇說

園云閨特立之戶上令各可以自閉亭尉尉必取有序言以

忠信可任事者已上渠表藉車道樓二舍共一井爨灰康

糝說文云糠穀皮也康或省杯法有灰蘇慊糝馬矢馬矢

舊作夫据太平御覽引云備城皆收藏皆謹收藏之城上

灰糖馬矢通典云擲之以昧敵目也淮南子汜論云渠檐

之備渠疑渠荅假音字謔與檐同淮南子汜論云渠檐

之甲是檐疑藉車行棧行樓到頡臯連挺長斧長椎長茲

疑鎌字通典守拒法距飛衝縣口批屈樓五步步一堞下

為爵穴舊作內三尺而一為薪臯二圍長四尺半必有潔

當為瓦石重二升以上疑一城上沙舊作涉下同五

十步一積竈置鐵鑕焉舊作錯据上與沙同處木大二圍

長丈二尺以上善耿言連其本舊名曰長從五十

步三十木橋長三丈母下五十後使疑薪急為壘壁以

从王改

王伯曰下文云五步一爵穴則此五步當為五步

从王改

從俞改 以王能改
磨榭夾也 号令篇
曰它明上必夾為
高樓

从王改

从王改

上有挽文

从王改

蓋瓦後之用瓦木罌容十升以上者五十步而十盛水

用之五十二者十步而二城四面四隅皆為高磨榭樓磨榭未使

重室字疑子居丁上候適敵字假音史視丁能狀態能即

或从人態與丁進左右所移處失候斬適人為穴舊作內

而來我函使穴師選木也而穴之為之且當為內弩以應

之民室梓木瓦石可以蓋城之備者盡舊作蓋上之言民

為城備不從令者斬昔築當云七尺一居屬疑錡五步一

壘五築有錡說文云錡長斧柄長八尺十步一長鎌柄長

八尺十步一鬪鬪當為長椎柄長六尺頭長尺斧丁兩端三

步一下有脫文已上并凡守圍城之法厚以高壕玉篇云

壕也渠詹禱器等之法深以廣樓擗守備說文玉篇無擗集韻云

摩也玉篇食尹詳遵二切繕利薪食足以支舊作交三月以上人眾以

選吏民舊作尺以意改和以大臣有功勞於上者多主信以

義萬民樂之無窮不然父母墳墓在焉不然山林草澤之

饒足利不然地形之難攻而易守也不然則有深怨於適

而有大功於上不然則賞明可信而罰嚴足畏也管子九

親戚墳墓之所在也田宅富厚足居也不然則州縣鄉黨

與宗族足懷樂也不然則上之教訓習俗慈愛之於民也

厚無所往而得之也不然則山林澤谷之利足生也不然

則地形險阻易守而難攻也不然則罰嚴而可畏也不然

功於上也此民之所以守戰至死而不德其上者方可以守圍城城下里中

家人各葆丁左右前後如城上城小人眾葆離鄉老弱國中及他舊作也大城寇至度必攻主人先削城編唯勿燒

何氏公羊傳注炊膏者曰養

从王改

王曰自為之奈何必謹凡二十印字乃備它篇之錯簡

从王改

从王改

物字當田衍

言畢說非

王曰不知字衍智即知字也

寇在城下時換吏卒署

說文云署部署有所屬

而毋換丁養也養毋

得上城寇在城下收

舊作收以意改

諸盆糞耕積之城下

耕疑百

步一積積五百城門內不得有室為周官桓吏

疑云周

四

尺為倪

此作倪也古只作

行棧內開二關一堞除城場外去

池百步牆垣樹木小大盡壞伐

舊作代

除去之寇所從來

若昵道侯近

說文云尼從後近之侯即谿假音字

若城場家為扈樓

禮記檀弓云毋

扈扈陸德明音義云音戶廣也大也

立竹箭天中守

天疑矢字

堂下為大樓高臨

城堂下周散道中應客客待見時名三老左葆官中者與

計事得

下脫簡

為之柰何子墨子曰問穴土之守邪備穴者

城內為高樓以謹此十四者具則民亦卑宜上矣然後城

可守十四者無一則雖善者不能守矣守法五十步丈夫

十人丁女二十人老小十人計之五十步四十人

丈夫丁女老小

其四城下樓本率

一步一人二十步二十人城小大以此

率之乃足以守圍客

舊作宕以意改

馮面而蛾傳之主人則先之

知

二字疑倒主人利則主人利

客適客攻以遂同十萬物之

眾一本作數攻無過四隊者上術廣五十步中術三百步下術

五十步諸不盡百五步者主人利而容病廣五百步之隊

大夫千人丁女子二千人老小千人

千皆當作十

凡千人當云

人而足以應之此守術之數也使老小不事者守於城上

不當術者城持出必為明填

詳未

令吏民皆智知之從一人

百人以上持出不操填章從人非可故人乃

疑及

可穡上

填章也

填章疑印章之屬言出城從人非故相識人及有印信者止之

千人之將以上止

王曰自侯明言通人以此
下至穴土之攻敗美
凡三百四十五字乃
備穴竹扁之錯簡
也若猶與也彭
与勿通

从王補下字

从王改

从王改

从王加改

从王改

之勿令得行行及吏率從之皆斬具以聞於上此守城之

重禁也當為夫姦之所生也不可不審也候望適人適人

為變築垣聚土非常者言以所穴若彭有水濁非常者濁

者穴土此穴土也急塹城內玉篇云塹同塹穴兀舊作內亦土直

之直當也說文云直正穿井城內五步一井舊作傳城

足高地丈五尺言視城足之高下地得泉三尺而止令陶

者為罌容四十斗以上固順之以薄鞞革即通典所云以

鼓也置井中使聽耳者伏罌而聽之審知穴之所在鑿內

迎之文選注引云若城外穿地來攻者宜于城內掘井以

迎之太平御覽引云若城外穿地來攻者宜城中掘井以

薄鞞內井中使聽聽者伏窶聽之審知穴處鑿內而迎之

與此微異通典守拒法云地聽於城內八方穿井各深二

丈以新罌用薄皮裹口如鼓使聽耳者於井中託罌而聽

則去城五百步內悉知之審知令陶者為月明詳長二尺

五寸六圍中判之合而施之內中偃一偃覆一柱之外善

周塗兀傳舊作亦傳柱者勿燒程者勿燒四字柱善塗兀

實際也勿令泄兩旁皆如此與穴舊作內俱前下迫地置

康若矢舊作疾以兀中康即康字勿滿矢康長五寶左右

俱雜相如也穴內口為竈令如窰說文云窰燒瓦竈令容

七八員艾左右寶皆如此竈用四橐穴且遇舊作愚以頡

阜衝之疾鼓橐熏之必令明習舊作翟橐事者勿令離竈

口通典守拒法云審知穴處助鑿迎之與外相遇即就以

仍用鞞袋鼓之即其遺法所云以板於外密覆穴口勿令煙洩

外密覆穴口勿令煙洩即下連版法也連版以穴高下廣

陝為度令穴者與版俱前鑿兀版令容舊作予參分兀

管子卷之二十四

八

从王改

从王加之

王自此以下多言... 穴之事亦皆... 于備穴竹... 截坐何句... 姑仍其舊

从公改

从公改

疏數令可以救竇穴則遇以版舊作攸以意改當之以矛救竇勿

令塞竇竇則塞引舊作弓以意改版而却此卻字俗寫過一竇而塞之

鑿丁竇通丁煙煙通疾鼓橐以熏之舊作徒以意改穴內聽穴

左右急絕丁前勿令得行若集客穴塞之以柴塗令無可

燒板也然則穴土舊作內土以意改之攻敗矣斬艾與柴舊作此以意改

長尺乃置窰竈中先壘窰壁迎穴為連鑿井傅城足三丈

一視外之廣陝而為鑿井慎勿失城卑穴高從穴難二穴字舊

俱作內鑿井城上為三四井內新當為新井中伏而聽之

審之知穴之所在穴而迎之穴且遇為頡臯必以堅杖為

夫同跌如足兩分也以利斧施之命有力者三人用頡臯衝之灌

以不潔十餘石若穰矢之類趣伏此井中伏舊作狀以意改趣同促置艾丁

上七分益蓋井口毋令煙上泄旁丁橐口疾鼓之以車輪

韞未詳下文作蓋即蓋省文說文云蓋積也一束樵梁疑梁麻索塗中以束之

鐵鎖當為瑣說文無鎖字据備蛾傅作瑣縣正當寇穴舊作內以意改口鐵鎖長三

丈通典守拒法云先為桔槔縣鐵鑲長三丈以上束柴葦

上鑿聽連版伏艾縣鎖備穴土之法端環一端鉤鼠舊作鼠以意改穴高七尺五寸

廣柱間也尺二尺一柱柱下傅鳥張衡西京賦云雕楹玉

廣柱間也尺二尺一柱柱下傅鳥張衡西京賦云雕楹玉

大二圍半必固丁員士無柱與柱交者穴二窰皆為穴月

屋疑穴字為置吏舍人各一人必置水塞穴門以車兩走車

輪為蓋蓋省文塗丁上以穴高下廣陝為度令人穴中四五

尺維置之當穴者客爭伏門舊穴作內容作容以意改轉而塞之為窰

从王增

从王改

从王改說文世
東華燒也王
自為因林延為
至公局竹也亦
徒進人擲其
持一也也从王改

容舊作容以意改三員艾者令丁突入舊作亦突人以意改伏尺一本無此二字伏

傅舊作付以意改突一旁以二橐守之勿離穴矛舊作內予以意改以鐵

長四尺半大如鐵服說即刃之二矛舊凡予字作予俱以意改內去竇

尺邪鑿之上穴當心丁矛長七尺穴中為環利率穴二鑿

井城上俟丁身井且通居版上居同而鑿丁一偏舊作徧以意改

已而移版鑿一偏頡臯為兩夫而旁狸丁植而數鉤其兩

端諸作穴者五十人男女相半城上為爵穴下堞三尺廣

丁外五步一爵穴大容世高者六尺下者三尺疏數自適

為之言視敵而為疏促自視字之誤塞外塹去格七尺為縣梁城筵陝不

可塹者勿塹城上三十步一聾竈聾疑人墻長五節寇

在城下聞鼓音燔苜復鼓內苜爵穴中照外諸藉車皆鐵

什什與錯音近說文云錯以金有所冒也藉車之柱長丈七尺丁狸者四尺

夫長三丈以上至三丈五尺馬頰長二尺八寸試藉車之

力而為之困失四分之三在上藉車夫長三尺四二三在

上馬頰在三分中馬頰長二尺八寸夫長二十四尺以下

不用治困以大車輪藉車桓長丈二尺半諸藉車皆鐵什

復車者在之寇闡池來闡疑當為衝或闡字池城池為作水甬深四尺

堅幕舊作慕以意改狸之十尺一覆以穴舊作月以意改而待令以木大

圍長二尺四分而早鑿之置炭火丁中而合幕之而以藉

車投之為疾犁投長二尺五寸大二圍以上深七舊俱作代以意

改弋長七寸弋舊作我以意改閒六寸剡丁末狗走疑穴之可以出狗者曰狗

走廣七寸長尺八寸蚤長四寸大耳施之子墨子曰守城

之法必數城中之木十人之所舉為十挈五人之所舉為

五挈凡輕重以挈為人數言即以十挈五挈名其物者以人數也為薪蘓挈

壯者有挈弱者有挈皆稱丁任凡挈輕重所為吏人各得

丁任城中無食則為大殺殺言滅去城門五步大塹之高地

五三丈下地至施賊丁中上為發梁梁橋也而機巧之比傳薪

土使可道行旁有溝壘毋可踰越而出佻疑佻達字且

比適人遂入舊作人以意改引機發梁適人可禽適人恐懼而有

疑心因而離下脫簡

備高臨第五十三

禽子再拜再拜曰敢問適人適同敵積土為高以臨吾城薪

土俱上以為羊黔襍守作羊黔未詳其器蒙櫓俱前遂屬之城兵弩

俱上為之柰何子墨子曰子問羊黔疑下更有羊黔二字者將之拙

者也足以勞本不足以害城守為臺城以臨羊黔左右出

巨各二十尺行城三十尺強弩之技機藉之奇疑即藉車器口

口之然則羊黔之攻敗矣備備同備臨以連弩之車杖大

方一方一尺長稱城之薄厚兩軸三輪輪居筐中重下上

筐左右旁二植左右有衡植衡植左右皆圓內內徑四寸

左右縛弩皆於植以弦鉤弦至於大弦弩臂前後與筐齊

筐高八尺弩軸去下筐三尺五寸連弩機郭同銅一石三

十斤引弦鹿長奴同弩筐大三圍半左右有鉤距方三寸輪

厚尺二寸銅鉤距臂博尺四寸厚七寸長六尺橫臂齊筐外

蚤尺五寸有距博六寸厚三寸長如筐有儀有詘勝即通典屈

王據備穴竹扁正此文王改賊為棧云棧棚也

王改旦為且此為北桃下稅戰字

王曰襍守作羊黔非作羊黔三城為均集均塔峻岸也

王據後竹扁句備補攷文三字

从王衍下吳字

俞曰既為兩軸不見三輪三當為四古三四聲皆積畫故誤

从王改

从王改眉鹿脚車
上之鹿盧也

勝可上下為武重一石以材大圍五寸矢長十尺以繩口
口矢端如如戈射以磨疑鹿之此麤字卷收舊作收矢高弩
臂三尺用弩無數出人六十枚用小矢無留十人主此車
遂具寇為高樓以射道城上以荅荅即檐也音之緩急說
之羅矢通典守拒法云弩臺高下與城等去城百步每臺
牆臺內通閭道安屈勝梯人上便卷收
中設壇幕置弩手五人備乾糧水火
備梯第五十六

禽滑釐子事子墨子三年手足胼胝餅省文面目黧黑黎

從黑役身給使不敢問欲子墨子其甚哀之乃舊作及管

酒塊脯當為餽脯寄于大山昧菜當為茅蒸坐之以樵禽

子當云以禽子再拜而嘆子墨子曰亦何欲乎亦當為尔

从王改

埋塞也

从王改 俞云資讀
為茨高注淮南子曰
茨積土填滿也

王据句備文誼補守
字

从俞改

从俞增

从王改

禽子再拜再拜曰敢問守道于墨子曰姑亡姑亡古有丁
術者內不親民外不約治以少閒眾以弱輕強身死國亡
為天下笑子丁慎之恐為身薑同僵亡強禽子再拜頓首
願遂問守道曰敢問客眾而勇煙資吾池軍卒並進雲梯
既施攻備已具武士又多爭上舊作土据太吾城為之柰
何池施多子墨子曰問雲梯之口邪雲梯者重器也丁動
移甚難守為行城雜樓相見以環丁中以適廣陝為度環
中藉幕舊作幕母廣丁處度幕處行城之法高城二十尺
上加堞廣十尺左右出巨各二十尺高廣如行城之法為
爵穴輝鼠舊作鼠施荅丁外言施檐機衝錢城廣與隊等
雜丁間以鐳劍持衝十六執劍五人皆以有力者令案目

从王改

从王補上字亦帶也直當為置與楊同

王以備城傳篇改此二字謂燒門之人皆待鼓音而發火也王伯申曰除字誤當為辟三與避同隸書辟字或作辟與除相借而設王改貴為者者主諸士也聖校素堂當作去案二蓋也

者視適適同敵以鼓發之夾而射之重而射披機藉之城上

繁下矢石沙炭以雨之太平御覽引繁作多薪火水湯以濟之審賞

行罰以靜為故從之以急毋使生慮故慮為韻若此則雲梯之

攻敗矣守為行堞堞高六尺而一等等級施劔刃面以機發

之衝至則去之不至則施之爵穴三尺而一堦藜據備城

疾投必遂而立以車推引之裾城裾城未詳文與備城傳同彼裾城作置薄城外

四字下裾外去城十尺裾厚十尺伐裾備城傳此下小大

盡木備城傳斷之以十尺為傳備城傳此傳字當為

斷卓古雜而深埋之堅築備城傳作離毋使可拔二十步

一殺殺有一鬲鬲厚十尺殺有兩門門廣五尺裾門一施

淺埋勿築令易拔城希裾門而直築備城傳縣火四尺一

鉤櫂五步一竈竈舊脫一竈字有鑪炭令適人盡入輝備城

傳作火燒門縣火次之出載而立下廣終隊兩載之間

舊有載之門三字據備城傳一火皆立而持鼓而撚火備城

去之當是上三字重文之譌然即具發之適人際

傳云待鼓音而燃待持燃撚字相似然然即具發之適人際

此義較長不必改从彼說文云撚執也然即具發之適人際

火而復攻縣火復下適人甚病故引兵而去則令吾死士

舊脫士字據左右出穴門擊遺師猶言令賁士主將皆聽

備蛾傳增城鼓之音而出又聽城鼓之音而入因數出兵施伏舊數

伏作休拊夜半城上四面鼓噪說文云課攬也此省文適人必或同

有此必破軍殺將以白衣為服以號相得若此舊作也則雲梯之攻敗矣

備水第五十八

城內塹外周道廣八步備水謹度四旁高下城地中偏下

令耳疑瓦耳內及下地地深穿之令漏泉通典守拒法云

即一步為一井井之內置則瓦井中則同視外水深丈以

上繫城內水耳疑瓦並船以為十臨言方舟以為臨三十

人人擅弩計四有弓舊作方必善善同繕以船為輶輶二

十船為一隊選材士有力者三十人共船丁二十人人擅

看弓舊作方劍甲鞮說文云鞮鞮鞮字假音說十人擅苗

同矛猶苗先養材士為異舍食丁父母妻子以為質視水

可決以臨輶輶決外隄城上為射檣說文云檣榦也言矢

疾佐之通典守拒法云城中速造船一二十隻簡募解舟

而出潛往斫營決隄堰覺即急走城上鼓噪急出兵助之即其遺法

備突第六十一

城百步後漢書注引有一突門突門各為窰竈竈入門四

五尺為丁門上瓦屋毋令水潦能入門中吏主塞突門用

車兩輪以木束之塗其上維置突門內使度門廣狹令之

後漢書注人門中四五尺置窰後漢書注窰門旁為橐舊

引作人橐下同据後漢書注改又韓非子云充竈伏柴艾舊伏作

干城拒衛不若堙穴伏橐橐當為橐而塞之鼓橐而熏之

備穴第六十二

禽子再拜再拜曰敢問古人有善攻者穴土而入縛柱施

火以壞吾城城壞或中人盧云此上是問下大鋌前長尺

考工記云鋌十之注云鋌讀如麥秀鋌之鋌鄭司農云鋌

箭足入橐中者也說文云鋌銅鐵樸也陸德明周禮音義

徒頂蚤長五寸兩鋌交之置如平不如平不利兌丌兩末
兌同穴隊若衝隊必審如攻隊之廣狹而令邪舊作雅據

穿丌穴令丌廣必夷客隊疏束樹木令足以爲柴搏毋前
面樹長丈七尺一以爲外面以柴搏從橫施之外面以强

塗毋令土漏令丌廣厚能任三丈五尺之城以上以柴木
土稍杜之此杜甘棠也說文有戲字云閉也讀以急爲故

前面之長短豫蚤接之令能任塗足以爲堞善塗丌外令
毋可燒拔也大城丈五爲閨門說文云閨持立之戶廣四

尺爲郭門郭門在外爲衡以兩木當門鑿丌木維敷上堞
爲斬縣梁酸穿斷城以板橋邪穿外以板次之倚殺如城

報城內有傅壤因以內壤爲外鑿丌閒深丈五尺室以樵
可燒之以待適向敵令耳屬城爲再重樓下鑿城外堞內深

丈五廣丈二樓若令耳皆令有力者主敵善射者主發佐
皆廣矢治裾諸延堞高六尺部廣四尺皆爲弩簡格簡同

轉射機機長六尺狸一尺兩杖合而爲之輶輶長二尺中
鑿天_{夫長口尺}之爲道臂臂長至桓二十步令一善射之者佐一人

皆勿離城上百步一樓樓四植植皆爲通鳥下高丈上九
尺廣喪各丈六尺皆爲寧寧字三十步一突九尺廣十尺高

八尺鑿廣三尺表二尺爲寧城上爲攢火夫長以城高下
爲度置火丌末城上九尺一弩一戟一椎一斧一艾皆積

參石蒺藜渠長丈六尺五廣長丈臂長六尺丌狸者三尺樹
渠毋堞堞貫堞白堞藉莫幕長八尺廣七尺丌木也廣五

能曰据下文夫長丈許可長
六尺又備城門襟守兩篇
皆以夫爲意言此文脫誤
依備補也

从王改

从王補按文如此

从王改正

从俞說改

尺中藉苴為之橋索，丁端適攻。適同令一人下上之，勿離

城上二十步一藉車，當隊者不用此數。城上三十步一

竈。唐宋字書無舊字，備城門作聲疑皆壘字。傳火者必以布麻什革盆，十步一

柄，長八尺，什大容二什以上，到三十做裕。說文云：裕，衣物

新布，長六尺，中拙，柄長丈十步一，必以大繩為箭。城上十

步一鈇。舊从宀，傳寫誤也。說文云：鈇，玉篇云：鈇，同缶。容三石以

上，大小相雜，盆蠡各二財，為卒乾飯。人二斗，以備陰雨。面

使積燥，處令使守為城內堞，外行餐，置器備殺。檠省文，說文云：檠，樛

殺散之也。沙礫鐵皆為坏斗，令陶者為薄甗，大容一斗以上，至

二斗，即用取三祕合束，堅為斗。城上隔棧，高丈二，刻丁一

末，為閨門，閨門兩扇，令可以各自閉也。救闔池者，闔同以

火與爭鼓橐。舊作橐，以意改。馮埴外內，以柴為燔，靈丁三丈，一火

耳施之，十步一人，居柴內弩。內同弩半為狗犀者，環之牆

七步而一。下有脫字。寇至吾城，急非常也。謹備穴，穴疑有應。寇

急穴，穴未得，慎毋追。言已不謹其備，且勿追寇。凡殺以穴攻者，二十步

一置穴，穴高十尺，鑿十尺，鑿如前。步下三尺，十步擁穴左

右，橫行高。此高字及下疑當為甗。高廣各十尺，殺俚兩罌，深平。俚同

城置板，丁上冊。詳未板以井聽，五步一密，用搯。詳未若松為穴

戶，戶穴有兩蒺藜，皆長極丁，戶為環壘，石外塹。即厚字，說文云

厚古文厚，从后土，此又俗加。高七尺，加堞丁上，勿為陞，與石以縣陞上

下出入，具鑪橐橐。舊俱以牛皮鑪，有兩甗，以橋鼓之百十

橋，桔也。每丁熏四十什，然炭杜之。然即燃，正文。滿鑪而蓋之，毋令

臯也。

从王改

氣出適人疾近五百穴，穴高若下，不至吾穴，即以伯鑿而求通之。穴中與適人遇，則皆圍而毋逐，且戰北，以須鑪火之然也。即去而入壅穴，殺有鼠，鼠字俱鼠字，為之戶及關籥，獨順得往來行，丁中穴壘之中，各一狗，狗吠即有人也。五十人攻內為傅士之口，受六參約桌繩以牛，丁下可提而與投已，則穴七人守退壘之中，為大廡一，藏穴具丁中，難穴取城外池，屑木月散之，什斬丁穴，深到界，難近穴為鐵鈇，金與扶林，長四尺，則自足，客即穴也，亦穴而應之為鐵鉤，鉤長四尺者，財自足穴也，纔與穴徹以鉤，客穴者為短矛，短戟，短弩，蚩矢，財自足穴，徹以鬪，以金劍為難，長五尺為盞。

說文云：盞，斤釜穿也。案經典，文凡以穿為孔者，此字假音。木屎也。說文云：屎，雙木柄也。玉篇：丑利切。

屎有慮枚，以左客穴，戒持罌容。

舊作客以意改

三十斤以上，狸

舊作

狸以意改

穴中，丈一以聽穴者聲，為穴高八尺，廣善為傳置具。

全牛交橐

疑菱藁

皮及珫

未詳

衛穴二蓋，陳霍

鄭君注：公食大夫禮云：藿，豆葉也。

也說文云：藿，未之少也。少言始生之葉，藿省文。

及艾，穴徹熏之，以斧金為斫屎長

三尺，衛穴四為壘，衛穴四十屬四為斤斧，鋸鑿鑿

說文云：鑿，大錐也。

也玉篇云：居縛切。鋤鑿。

財自足，為鐵校，衛穴四為中櫓，高十丈半，廣

四尺，為橫穴八，櫓蓋具，橐桌，財自足，以燭穴中，蓋持醢

客即熏以救目，救目分方鑿穴

鑿即鼓

以益盛，醢置穴中，文

盆毋少四斗，即熏以自臨，醢上及以泔

玉篇云：泔，大水也。未詳。

目，此

多壞體字已無善本可校

此於廟無可句讀者

備蛾傅第六十三

蛾同螳，說文云：螳，蚍蜉也。蛾，羅也。又云：蛾，蠶化飛蟲也。經典多借為螳者。

从俞說改三字

音相近耳傳亦附字假音

从王改

禽子再拜再拜曰敢問適人強弱遂以傳城後上先斷以

為濫程城程為韻斬城為基掘下為室前上舊作止以意改不止

後射既疾室疾為韻為之奈何子墨子曰子問蛾傳之守邪蛾

傳者將之忽者也守為行臨射之校機藉之擢之太汜迫

之燒荅覆之沙石雨之然則蛾傳之攻敗矣備蛾傳為縣

脾疑脾字以木板厚二寸前後三尺旁廣五尺高五尺而折

為下磨車轉徑尺六寸令一人操二丈四方疑才字刃其兩

端居縣脾中以鐵璣說文無鎖字此璣與璜皆無鎖敷縣

二脾上衡為之機令有力四人下上之勿難施縣脾犬數

二十步一攻隊所在六步一為纍當為壘荅廣從丈各二尺

从龍說討此字

从王乙正

以木為上衡以麻索犬徧之染其索塗中為鐵鑠據上文當為璣

玉篇云鑠其兩端之縣客則蛾傳城燒荅以覆之連筭義未

詳抄大皆救之以車兩走軸閒廣大以圍犯之蝕其兩端

蝕未詳廣雅有蝕字云大也疑此即於異文以束輪徧徧塗其上室中以榆若

蒸以棘為旁命曰火拌一曰傳湯以當隊客則乘隊燒傳

湯斬維而下之令勇士隨而擊之以為勇士前行城上輒

塞壞城城下足為下說鑱找長五尺找未詳大圍半以上疑圍

圍皆刻其末為五行行閒廣三尺狸三尺大耳樹之為連

及長五尺大十尺槌舊俱从手以意改長二尺大六寸索長二尺

椎柄長六尺首長尺五寸斧柄長六尺刃必利皆葬未詳其

一後荅廣丈二尺口口丈六尺垂前衡四寸兩端接尺相

从王加

从王改

覆勿令魚鱗三著其後行中央木繩一長二丈六尺荅樓

不會者以牒塞數暴乾說文云暴晞也荅為格令風上下堞惡疑

壞者先狸木十尺一枚一節壞斫植以押盧薄於木

周長安三年石刻云爰雕爰鄧卽斫字慮字衍文盧薄說文云樞柱上表八尺廣

七寸經尺一數施一擊而下之為上下鈇說文云菜兩刀

從手玉篇云鈇同而斫之經一鈇禾樓羅石縣荅植內母

植外杜格狸四尺高者十尺木長短相雜兌其上而外內

厚塗之為前行行棧縣荅隅為樓樓必曲裏土五步一母

其二十畧字彙爵穴十尺一下壤三尺廣其外轉牖城上卽

傳樓及散與池革盆若轉攻卒擊其後煖失治車革火凡

殺蛾傳而攻者之法置薄城外薄疑卽薄字去城十尺薄

厚十尺伐操當為薄之法大小盡木斷之以十尺為斷離而

深狸堅築之母使可拔二十步一殺有堦方言云煖火虞

今云烽火是也此从土俗厚十尺備梯云殺有一殺有兩

門舊脫一門字廣五步備梯薄門板梯狸之勿舊脫此

增築令易拔城上希薄門而置搗縣火四尺一椅備梯作

五步一竈竈門有爐炭傳令敵人盡入舊作人車火燒門

縣火次之出舊脫此字載而立其廣終隊兩載之間一火

皆立而待舊作侍鼓音而燃卽俱發之敵人辟火而復攻

縣火復下敵人甚病敵引哭而去舊作榆音之謫據備則

令吾死士左右出穴門擊遺師令賁士主將皆聽城鼓之

從俞改說文師古文位
率形與火相侶故誤

从王改

上四面鼓噪敵人舊作之据必戈與或破軍殺將以白舊
此字据衣為服以號相得備梯增

丁卯卯日二十日枝兩墨是日与草生同過

高甫子鐵作坊子高記了林陵

寓舍

墨子卷之十四

靈巖山館刊

墨子卷之十五

鄒魯蕭竈有副御史巡撫西客處地贊輩務兼糧餉 欽賜一品頂帶畢沅注
迎敵祠第六十八

从俞說改

敵以東方來迎之東壇壇高八尺堂密八年八十者八人
主祭青旗青神長八尺者八弩八八發而止將服必青其
牲以雞敵以南方來迎之南壇壇高七尺堂密七年七十
者七人主祭赤旗赤神長七尺者七弩七七發而止將服
必赤其牲以狗敵以西方來迎之西壇壇高九尺堂密九
年九十者九人主祭白旗素神長九尺者九弩九九發而
止將服必白其牲以羊敵以北方來迎之北壇壇高六尺
堂密六年六十者六人主祭黑旗黑神長六尺者六弩六

以意改

王據號令篇補
按文一請讀曰情

从俞改

史記蕭相國世家索
隱曰素者趨向也

此蓋古人城守誓詞
與全子述出

六發而止將服必黑其牲以鏡已上與黃帝兵法說同見北堂書抄從外宅
 諸名大祠靈巫或禱焉給禱牲凡望氣有大將氣有小將
 氣有往氣有來氣有敗氣今其法存通典兵風雲氣候禱占也能得明此者
 可知成敗吉凶舉巫醫卜有所長具藥官之善為舍巫必
 近公社必敬神之巫卜以請守守獨智報同巫卜望之氣請
 而已言望氣之請唯告守獨知之其出入為流言驚駭恐吏民謹微察
 之斷罪不赦望氣舍近守官牧賢大夫及有方技者若工
 弟之舉屠酤者置廚給事弟之言次第居之古次第字只作弟凡守城之
 法縣師受事出葆循溝防築薦通塗脩城百官共財百工
 即事司馬視城脩卒伍設守門三人掌右闔二人掌左闔
 四人掌閉百甲坐之城上步一甲一戟其贊三人五步有

五長十步有什長百步有百長旁有大率中有大將皆有
 司吏卒長城上當階有司守之移中中處澤急而奏之言
 中者擇急事奏之澤當為擇士皆有職城之外矢之所還壞其牆無以
 為客茵三十里之內薪蒸水皆入內狗彘豚鷄食其肉肉
 異文廣韻云肉俗作突斂其骸以為醢腹病者以起城之內薪蒸廬
 室矢之所還皆為之涂茵令命昏緯狗纂馬擊緯靜夜聞
 鼓聲而諺諺字所以闔客之氣也闔過所以固民之意也
 故時諺則民不疾矣祝史乃告於四望山川社稷先於戎
 乃退公素服誓于太廟曰其人為不道不脩義詳同唯乃
 是王曰子必懷亡爾社稷滅爾百姓二參子尚夜自廈當
 厲以勤寡人和心比力兼左右各死而守左右既誓公乃

退食舍於中太廟之右祝史舍于社百官具御乃斗疑刀

鼓于門右以門舊作問置旂左置旌于隅練名射參發告勝

五兵咸備乃下出揆當為升望我郊乃命鼓俄升役司馬

射自門右蓬矢射之茅參發弓弩繼之校自門左先以揮

木石繼之祝史宗人告社覆之以甑

旗幟第六十九說文云旗熊旗五游以象罰星士卒以

為期釋名云熊虎為旗軍將所建象其

織也陸德明音義音志云又尺志反又作識案漢書亦

守城之法木為蒼旗火為赤旗薪樵為黃旗石為白旗北

書抄引作金為水為黑旗食為菌旗死士為倉英之旗竟

士猶云為雲旗虎字多卒為雙兔之旗五尺男子為童旗

女子為梯末之旗弩為狗旗戟為荏旗北堂書抄劔盾為

羽旗車為龍旗舊作龍據北堂書騎為鳥旗凡所求索旗

名不在書者皆以其形名為旗城上舉旗備具之官致財

物乏足而下旗凡守城之法石有積樵薪有積菅茅有積

藿葦有積木有積炭有積沙有積松柏有積蓬艾有積麻

脂有積金鐵有積粟米有積井甃有處通典守拒法云城

上四隊之閒各置

樵葦舉黃旗須沙石旣瓦舉白旗須水湯不潔舉黑旗須

戰士銳卒舉熊虎旗須戈戟弓矢刀劍舉鷲旗須皮羶麻

鏃鏃鏃斧鏃舉雙兔城上舉旗主當之官隨色而供亦其

遺重質有居言居其五兵各有旗節各有辨法令各有貞

輕重分數各有請主慎道路者有經亭尉各為幟竿長二

王搢紳覽改

王伯申曰部讀曰路
謂其其職也冠末則
與之職也則路
如進數者如老進之
帳數而遠遊之

王行於十字

王搖文誼補句

王王改

大寇傳攻前池外廉城上當隊鼓三舉一幟到水中周鼓

四舉二幟到藩鼓五舉三幟到馮垣鼓六舉四幟到女垣

鼓七舉五幟到大舊作六以城鼓八舉六幟乘大城半以

上鼓無休夜以火如此數寇卻解輒部幟如進數言數如

寇去始解輒部部而無鼓城為隆長五十尺四面四門將長

四十尺其次三十尺其次二十五尺其次二十尺其次十

五尺高無下四十五尺城上吏卒置之背卒於頭上城下

吏卒置之肩舊作眉據禮左軍舊作在他於左肩中軍置

之胛此俗字當各一鼓中軍一三每鼓三十擊之諸有鼓

之吏謹以次應之當應鼓而不應不當應而不應鼓主者

斬言罪其道廣三十步於城下夾階者各二其井置鐵雅

於道之外說文云確為屏三十步而為之園高丈為民園

垣高十二尺以上巷術周道者必舊作心為之門門二人

守之非有信符勿行不從令者斬城中吏卒民男女皆拜

異衣章微令男女可知諸守性格者三出却玉篇云卻適

守以令召賜食前矛舊作子大旗署百戶邑若他人財物

建旗其署令皆明白知之曰某子旗性格內廣二十五步

外廣十步表表以地形為度斬卒中教解前後左右卒勞者

更修之

號令第七十

安國之道道任地始地得其任則功成地不得其任則勞

而無功人亦如此備不先具者無以安主吏卒民多心不

王王補
王王改

一者皆在其將長諸行賞罰及有治者必出於公舊作功一本如

此王數使人行勞賜守邊城關塞備蠻夷之勞苦者舉其

守率之財用有餘不足地形之當守邊者其器備常多者

邊縣邑視其樹木惡則少用田不辟音闕假少食無大屋草

蓋少用桑言無大屋之處當留桑以為蔭一本作乘非多財民好食為內牒說文

札也內行棧置器備其上城上吏卒養皆為舍道內各當

其隔部養什二人為符者曰養吏一人辨護諸門辨即今辨字正

文門者及有守禁者皆無令無事者得稽稽留心其旁當

為必或衍不從令者戮敵人但至千丈之城千當必郭曲

之當為主人利不盡千丈者勿迎也視敵之居曲言所居

衆少而應之此守城之大體也其不在此中者皆心術與

人事參之凡守城者以函傷敵為上言并禦其延日持久

以待救之至明於守者也不能此句乃能守城守城之法

敵去邑百里以上城將如今當為盡召五官及百長以富

人重室之親舍之官衛謹令信人守衛之謹密為故及傳

言守符謹密必城守將營無下三百人四面四門之將必

選擇之有功勞之臣及死事之後重者從卒各百人門將

并守他門他門舊脫此字之上必夾為高樓使善射者居

焉女郭馮垣一人一人守之使重字子言重家之字五十

步一擊因城中里為八部部一吏吏各從四人以行衝術

衝當為衝說文云通道也及里中里中父老中不舉守之

事及會計者分里以為四部部一長以苛往來不以時行

王改

王曰如猶乃也里王改今為命非

故事也乃傳城當位及傳城今能說

从王行小字與字作與

此而字衍文
据命說補幽字

行而有他異者以得其姦吏從卒四人以上有分者大將
 必與為信符大將使人行守操信符信不合及號不相應
 者伯長以上輒止之以聞大將告大將當止不止及從吏卒
 縱之皆斬諸有罪自死罪上皆還父母妻子同產諸男女
 有守於城上者什六弩四兵丁女子老少人一矛卒有驚
 事、中軍疾擊鼓者三城上道路里中巷街皆無得行行者
 斬女子到大軍令行者男子行左女子行右無並行皆就
 其守不從令者斬離守者三日而一徇常為徇衆經音義云三倉云徇徧也
 爾所以備姦也里正與皆守當為與守皆宿里門吏行其部至
 里門舌與開門內吏與行父老之守及窮巷閒無人之處
 姦民之所謀為外心罪車裂說文云斬截也从車舌與父

老及吏主部者不得皆斬得之舊說得字據下文增除又賞之黃金
 人二鎰大將使使人行守長夜五循行短夜三循行四面
 之吏亦皆自行其守如大將之行不從令者斬諸竈必為
 屏舊必作火屏作井火突高火說文云竈突突从宀从
 火从求省玉篇有突字徒忽切云竈突魯仲連子竈而五
 突也未詳突突誰是案突凶音相近今人猶呼火窗為煙
 凶疑突義為強出屋四尺慎無敢失火今江浙人家有高牆出屋
 失火者斬其端失火言因事端以害以為事者車裂伍人
 不得斬言同伍不得之除救火者無敢謹譁說文云謹譁
 離守絕巷救火者斬絕言其舌及父老有守此巷中部吏
 皆得救之部吏二字舊倒函令人謁之大將大將使信人
 將左右救之部吏失不言者斬諸女子有死罪及坐失火

皆無有所失逮其以火為亂事者如法圍城之重禁敵人

卒而至嚴令吏民無敢謹囂三最並行相視坐泣流涕若

視舉手相探相指相呼相麾舊作歷以意改相踵相投相擊相靡

以身及衣訟駁言語說文云駁獸如馬駁馬色不純據此義當為駁及非令也而

視敵動移者斬伍人不得斬得之除伍人踰城歸敵伍人

不得斬與伯歸敵隊吏斬與吏歸敵隊將斬歸敵者父母

妻子同產皆車裂先覺之除當術說文云術邑中道也需敵離地言

其斬伍人不得斬得之除其疾鬪却敵於術敵下終不能

復上疾鬪者隊二人賜上奉玉篇云俸房用切俸祿也此作奉古字而勝圍

城周里以上封城將三十里地為關內侯韓非子顯學云關內之侯雖非

昔行吾必使執禽而朝史記春申君列傳黃歇上書云韓必為關內之侯又云魏亦關內侯則戰國時有關內侯也

輔將如今賜上卿丞及吏比於丞者賜爵五大夫官吏豪

傑與計堅守者二字舊例以意改十人及城上吏比五官者皆賜

公乘男子有守者爵人二級女子賜錢五千男女老小先

分守者人賜錢千復之三歲無有所與不租稅此所以勸

吏民堅守勝圍也吏卒侍大門中者曹無過二人說文云曹獄之

兩替也在延東从棘治事者从日案即兩造造曹音近而蜀志林瓊曰古者名夏職不言曹始自漢以來名夏盡言曹史言屬曹卒

言侍曹非也勇敢為前行伍坐令各知其左右前後擅

離署戮門尉晝三閱之莫說文云莫日且冥也鼓擊門閉一閱守時

令人參之上逋者名鋪食此鋪食字義當作鋪說文云鋪日加申時食也皆於署

不得外食守必謹微察視謁者執盾中涓及婦人侍前者

志意顏色使令言語之請及上飲食必令人嘗皆非請也

依王改
此下按文訛字甚
多不可句讀

擊而請故守有所不說，謁者執盾中涓及婦人待前者，守曰：「斷之，衝之，若縛之，不如令及後縛者皆斷，必時素誠之。」諸門下朝夕立，若坐，各令以年少長相次，旦夕就位。先佈有功有能，右字俗加人其餘皆以次立。五日，官各上喜戲，居處不莊，好侵侮人者，一諸人士外使者來，必令舊作改，有以執將依義當出而還，若行縣，必使信人先戒舍室，乃出迎門，守乃入舍，為人下者，常司同上之同，即隨而行，松上不隨下，必須□□隨客卒，守主人及以為守衛主人亦守客卒，城中戍卒其邑或以下寇，謹備之數，錄其署同邑者，勿令共所守，與階門吏為符，符合人勞，符不合，牧守言若城上者，衣服他不如令者，宿鼓在守大門中，莫令騎若

公王乙正

使者操節閉城者，皆以執鼙昏鼓，鼓十，諸門亭皆閉之，行者斷，必擊問行，故乃行，其罪晨見掌文，鼓縱行者，諸城門吏各入請，籥開門已，輒復上籥，有符節不用，此令寇至樓鼓五，有周鼓雜小鼓，乃應之，小鼓五，後從軍斷命，必足畏賞，必足利，令必行，令出輒入，隨省其可行，不行號句，夕有號句，失號斷句，為守備程而署之，曰：「某程置署街衢階若門，令往來者皆視而放，諸吏卒民有謀殺傷其將長者，與謀反同罪，有能捕告，賜黃金二十斤，謹罪非其分職而擅之，取若非其所當治，而擅治為之，斷諸吏卒民非其部界，而擅入他部界，輒收，舊作收以意改，以屬都司空，若候候以聞守，不收而擅縱之，斷能捕得謀反賣城踰城敵者一人，當

下有按文

歸敵脫歸字以令為除死罪二人城旦四人反城事父母去者去者之父母妻子悉舉民室材木凡若藺石數署長短小大當舉不舉吏有罪諸卒民居城上者各葆其左右左右有罪而不智也智同知其次伍有罪若能身捕罪人若告之吏皆構之若非伍而先知他伍之罪皆倍其構賞城外令任城內守任令丞尉亡得人當滿十人以上令丞尉奪爵各二級百人以上令丞尉免以卒戍諸取當者必取寇虜乃聽之募民欲財物粟米以貿易凡器者卒以賈予邑人知識昆弟有罪雖不在縣中而欲為贖若以粟米錢金布帛他財物免出者令許之傳言者十步一人稽留言及乏傳者斷諸可以便事者函以疏傳言守吏卒民欲言事者

小能改

函為傳言請之吏稽留不言諸者斷諸當為請縣各上其縣中

豪傑若謀士若居大夫其大夫之家居者重厚口數多少重厚言富厚官

府城下吏卒民家前後左右相傳保火火發自燔燔曼

延燔人句斷諸以衆疆凌弱少及疆姦人婦女玉篇云姦

同姦俗以謹譁者皆斷諸城門若亭謹候視往來行者符符

傳疑若無符皆詣縣延言請問其所使其有符傳者善舍

官府其有知識兄弟欲見之為名勿令里巷中三老守閭

令厲繕夫為荅若他以事者微者不得入里中三老不得

入家人傳令里中有以羽羽在三所差家人各令其官中

失令若稽留令者斷家有守者治食吏卒民無符節而擅

入里巷官府吏三老守閭者失苛止言不訶止之舊皆斷

諸盜守器械財物及相盜者直一錢以上皆斷吏卒民各
 自大書於傑著之其署同守案其署擅入者斷城上日壹
 發席蓐令相錯發有匿不言人所挾藏在禁中者斷吏卒
 民死者輒召其人與次司空葬之勿令得坐泣傷甚者令
 歸治病家善養予醫給藥賜酒日二升肉二斤令吏數行
 問視病有瘳說文云瘳疾瘳也輒造事上詐為自賊傷以辟事者
 廢疾以避事辟同避言詐為族之事已守使吏身行死傷臨戶而悲哀
 之寇去事已塞禱塞即賽正文守以令益此字疑衍邑中豪傑力鬪
 諸有功者必身行死傷者家以弔哀之身見死事之後城
 圍罷主函發使者往勞舉有功及死傷者數使爵祿守身
 尊寵明白貴之令其怨結於敵城上卒若吏各保其左右

若欲以城為外謀者父母妻子同產皆斷左右知不捕告
 皆與同罪城下里舊作理以意改中家人皆相葆若城上之數有
 能捕告之者封之以千家之邑若非其左右及他伍捕告
 者封之二千家之邑城禁使卒民不欲寇微職和旌者斷
 不從令者斷非擅出令者斷失令者斷倚戟縣不城上下
 不與眾等者斷無應而妄謹呼者斷總失者斷警容內毀
 者斷言稱敵而自毀以其惑眾離署而聚語者斷聞城鼓聲而伍後上
 署者斷人自大書版著之其署隔舊作鄙以意改守必自謀其先
 後非其署而妄入之者斷離署左右共入他署左右不捕
 挾私書行請謁及為行書者釋守事而治私家事卒民相
 盜家室嬰兒皆斷無赦人舉而藉之無符節而橫行軍中

从俞改

者斷客在城下因數易其署而無易其養譽敵少以為衆

亂以為治敵攻拙以為巧者斷客主人無得相與言及相

藉客射以書無得譽外示內以善無得應不從令者皆斷

禁無得舉矢書若以書射寇犯令者父母妻子皆斷身梟

城上說文云梟到首也賈侍中說此斷首到縣梟字今多用梟者說文云梟从鳥頭在木上義亦通有能

捕告之者賞之黃金二十斤非時而行者唯守及摻太守

之節而使者史記趙世家云孝成王令趙勝告馮亭曰敵國君使致命以萬戶都三封太守千戶都三

封縣令正義云爾時未合言太守至漢景帝始加太守此

言太衍字沅案此書亦云太守則先秦時已有此官張守

節言衍字非也摻即操異文廣雅云摻操也以爲二守人

字非言行不以時唯守者及操節人可餘皆禁之

臨城必謹問父老吏大夫請有怨仇讎不相解者召其人

明白為之解之守必自異其人而藉之孤舊作狐以意改之有以

私怨害城若吏事者父母妻子皆斷其以城為外謀者三

族史記云秦文公二十年法初有三族之罪然家語云宰予與田常之亂夷三族楚世家云銅人曰新王法有敢

饒王從王者罪及三族酷吏列傳云光祿徐自有能得若

為曰古有三族則知三族是古軍法非始于秦

捕告者以其所守邑小大封之守還授其印尊寵官之令

吏大夫及卒民皆明知之豪傑之外多交諸侯者常請之

令上通知之善屬之所居之吏上數選具之令無得擅出

入連質之術鄉長者父老豪傑之親戚父母妻子必尊寵

之若貧人食不能自給食者上食之及勇士父母親戚妻

子皆時酒肉必敬之舍之必近太守守樓臨質宮而善周

王曰父母二子主人
按所加
據父母為親戚必
不以父母親戚連
三曰
王據文証補賜字

从王改

从王補不字改
从王改

从王乙正

信無害可任事者其飲食酒肉勿禁錢金布帛財物各自
守之慎勿相盜葆宮之牆必三重牆之垣守者皆累瓦釜
牆上門有吏主者門里筦閉必須太守之節葆衛必取戍
卒有重厚者請擇吏之忠信者無害可任事者令將衛自
築十尺之垣周還牆門閨者非令衛司馬門望氣者舍必
近太守巫舍必近公社必敬神之巫祝吏與望氣者必以
善言告民以請報守上守獨知其請而已言望氣縱有不善而必以善告
民但私以無與望氣妄為不善言驚恐民斷勿赦度食不實告守耳
足食民各自占家五種石并數為期其在尊害吏與雜訾
期盡匿不占占悉令吏卒款得皆斷有能捕告賜什三牧
粟米布錢金出內畜產皆為平流其賈與主人券書之事

从王改

已皆各以其賈倍償之古償只作賞此俗寫又用其賈貴賤多少賜
爵欲為吏者許之其不欲為吏而欲以受賜賞爵祿若贖
士親戚所知罪人者以令許之其受構賞者令葆官見以
與其親欲以復佐上者皆倍其爵賞某縣某里某子家食
口二人積粟六百石某里某子家食口十人積粟百石出
粟米有期日過期不出者王公有之有能得若告之賞之
什三慎無令民知吾粟米多少守入城先以候為始得輒
宮養之勿令知吾守衛之備候者為異宮父母妻子皆同
其宮賜衣食酒肉信吏善待之候來若復就閒守宮三難
外環隅為之樓內環為樓樓入葆宮丈五尺為復道葆不
得有室三日一發席蓐略視之布茅宮中厚三尺以上發

从王改

从王改

候必使鄉邑忠信善重士有親戚妻子厚奉資之必重發
 他候奉資之如前候反相參審信厚賜之候三發三信重
 賜之不欲受賜而欲為吏者許之二百石之吏守珮授之
 印佩字俗其不欲為吏而欲受構賞祿皆如前有能入深
 至主國者問之審信賞之倍他候其不欲受賞而欲為利
 者許之三百石之候扞士受賞賜者守必身自致之其親之
 其親之所見其見守之任其欲復以佐上者其構賞爵祿
 罪从王改倍之出士候無過十里居高便所樹表表三人守之北
 至城者三表與城上烽燧相望說文云燧燧表候也邊有
火者燧篆文省漢書注云孟康曰燧如覆米箕縣著契皋
頭有寇則舉之燧積薪有寇即燔然之也此二字省文

王据禱守篇補
攬文三

从王改正

从王改正
攬文三
攬文三

晝則舉烽夜則舉火聞寇所從來審知寇形必攻論小城
 不自守通者盡葆其老弱粟米畜產遣卒候者無過五十
 人客至堞去之慎無厭建候者曹無過三百人日暮出之
 据上文暮為微職即微織微常為微說文云微織也以絳
當為莫帛箸於背从中微省聲春秋傳曰楊微
者公徒東京賦云戎士介而揚揮薛綜注云揮為肩
絳織如燕尾亦即微也說文又無職字當借織為之
 隊要塞之人所往來者令可迹迹者無下里三人平而迹
 各立其表城上應之候出越陳表遮坐郭門之外內立其
 表令卒之少居門內令其少多無知可也舊作節有驚
以意改
 見寇越說文云越度也陳表城上以麾指之麾即摩字異
言踰越而來
 省文說文云摩旌旗所以指摩也摩即摩字異
也从手靡聲玉篇云摩呼為切
 斥步鼓整旗旗以備戰此作迹坐擊正期即擊鼓正期也
 從麾所指望舉一垂入竟舉

从王改正補
規文一字

从王改三字
補規文一字

遂道也

从俞改

二番狎郭狎舉三番人疑脫舉四番狎城舉五番夜以火

皆如此去郭百步牆垣樹木小大盡伐除之外空并盡室

之無可得汲也外空室盡發之木盡伐之諸可以攻城者

盡內城中令其人各有以記之事以各其記取之事為之

券各當為名書其枚數當遂材木不能盡遂同術內既燒之無令

容得而用之人自大書版著之其署忠有司出其所治則

從淫之法其罪射謂貫務色謾舌淫囂不靜當路尼眾尼止

舍事言舍其事後就路言踰時不寧其罪射謂謹囂駭眾駭眾駭駭字

又禮云鼓皆駭陸德明音義云本亦作駭胡楷反李一音亥大僕戒鼓鄭君注云故書戒為駭則駭本戒之俗加也

其罪殺非上不諫次主凶言其罪殺無敢有樂器弊騏軍

中句有則其罪射非有司之令無敢有車馳人趨有則其

罪射無敢散牛馬軍中有則其罪射飲食不時其罪射無

敢歌哭於軍中有則其罪射令各執罰盡殺有司見有罪

而不誅同罰若或逃之亦殺凡將率鬪其眾失法殺凡有

司不使去卒吏民間誓令伐之服罪凡戮人於市死上目

行謁者侍令門外為二曹夾門坐鋪食更無空門下謁者

一長守數令入中視其亡者以督門尉與其官長及亡者

入中報四人夾令門內坐二人夾散門外坐客見持兵立

前鋪食更上侍者民守室下高樓候者望見乘車若騎卒

道外來者及城中非常者輒言之守守以順城上候城門

及邑吏來告其事者以驗之樓下人受候者言以報守言

其中涓二人夾散門內坐門常閉鋪食更中涓一長者環

从俞改
从王改

从王改

以下不可句

守宮之術衢置屯道各垣其兩旁高丈為埤院當立初此句不可解雞足置夾挾視葆食而札書得必謹案視參食者節不法正請之屯陳垣外術衢街皆樓高臨里中樓一鼓聾竈即有物故鼓吏至而正夜以火指鼓所城下五十步一廁廁與上同園請有罪過而可無斷者令杼廁利之似言罰之守廁

襟守第七十一

禽子問曰客眾而勇輕意見威以駭主人薪土俱上以為羊玲積土為高以臨民句脫一字蒙櫓俱前遂屬之城民城為韻兵弩俱上為之奈何子墨子曰子問羊玲守和羊玲者攻之拙者也足以勞卒不足以害城羊玲之政遠攻則遠害近城則近害不至城句脫一字矢石無休左右趣射蘭為柱後後休

从王改

擄與打同說文打撞也从王改

王曰美會也美為同原專勇字憤与奮同

為望以固句脫一字厲吾銳卒慎無使顧守者重下攻者輕去舊作云以意改養勇高奮民心百倍多執數少卒舊脫此字据下乃不殆倍殆為韻作士不休不能禁禦遂屬之城以禦雲梯之法應之凡待煙同聖衝雲梯臨之法必應城以禦之曰不足則以木擄之左百步右百步繁下矢石沙炭以雨之薪火水湯以濟之選厲銳卒慎無使顧賞審行罰以靜為故從之以急無使生舊作主慮恙慮意高憤說文云恚恨也愚古文勇从心則字字當為愚民心百倍多執數賞卒乃不舊二字倒怠顧故慮倍衝臨梯皆以衝衝之渠長丈五尺其埋舊作理者三尺矢長丈二尺渠廣丈六尺其弟丈二尺渠之垂者四尺樹渠無傅葉五寸葉即梯渠十丈一梯渠荅大數里二百五十

从王補攬文一

从王改也

八渠苔百二十九諸外道可要塞以難寇其甚害者為築
 三亭三亭隅織女之當云織如之令能相救諸距舊作距
 阜山林溝瀆邱陵阡陌古只為郭門若閭術可要塞及為
 微職同可以迹知往來者少多及所伏藏之處葆民先舉
 城中官府民宅室署大小調處葆者或欲從兄弟知者許
 之外宅粟米畜產財物諸可以佐城者送入城中事即急
 則使積門內候無過五十寇至葉去唯奔逮民
 獻粟米布帛金錢牛馬畜產皆為置平賈與主券書之使
 人各得其所長天下事當長當鈞其分職天下事得職得
 皆其所喜天下事備喜備疆弱有數天下事具矣數具築
 郵亭者圍之高三丈以上令侍殺為辟梯辟即梯兩臂長

皆从王改也

从王改

三尺連門三尺報以繩連之槩再雜為縣梁龔竈亭一鼓
 寇烽驚烽亂烽傳火以次應之至主國止舊作正其事急
 者引而上下之烽火以舉輒五鼓傳又以火舊作又屬之
 言寇所從來者少多且奔還去來屬次烽勿罷望見寇舉
 一烽入境號令篇舉二烽射妻當是如舉三烽藍郭會藍
 郭也近言爾舉四烽藍城會舉五烽五藍夜以火如此
 數句守烽者事急日暮出之令皆為微職距阜山林皆令
 可以迹平明而迹無迹各立其表城上應候出置田表
 斤坐郭內外立旗幟卒半在內令多少無可知即有驚舉
 孔表見寇舉牧表城上以麾指之斤步鼓整旗旗以備戰
 從麾所止田者男子以戰備從斥女子函走入即見放鼓

俞云上所說足常數下
所說曰正圍城中民食
不足減方半生數也坐
者者少分毛而會廿
二也故終歲二十石甲
會者四分斗而日會其
也故終歲十八石五分
分斗而會其三分則日會
甲外終歲會廿石甲
斗今本會誤其下依上
數而各減其半斗會者
日一斗者亦五分矣
者身曰六分大半今
外故減其半五分五分
半會甲外減減其五分
其數甚明

傳到城止守表者三人更立捶表而望守數令騎若吏行
窺視有以知為所為其曹一鼓望見寇鼓傳到城止升食
食斗終歲三十六石參食終歲二十四石食終歲十八石
五食終歲十四石斗云疑十四石五升六食終歲十二石
升食食五升參食食參升四食食二升半五食食二升六
食食一升大半日再食救死之時日二升者二十日日三
升者三十日日四升者四十日如是而民免於九十日之
約矣寇近函收諸雜鄉金器若銅鐵及他可以左守事者
先舉縣官室居官府不急者材之大小長短及凡數即急
先發寇薄發屋伐木雖有請謁勿聽入柴勿積魚鱗簪疑
字假音讀若高誘注當隊令易取也材木不能盡入者燔
淮南子積柴之聚

王改
能改

之無令寇得用之積木各以長短大小惡美形相從城四
面外各積其內諸木大者皆以為關鼻言為之紐令乃積
聚之城守司馬以上父母昆弟妻子有質在主所乃可以
堅守署都司空大城四人候二人縣候面一亭尉次司空
亭一人吏侍守所者財足廉信言厚祿足以父母昆弟妻
子有在葆宮中者乃得為侍吏諸吏必有質乃得任事守
大門者二人夾門而立令行者趣其外各四戟夾門立而
其人坐其下吏目五閱之上逋者名池水廉有要有害必
為疑人令往來行夜者射之謀其疏者牆外水中為竹箭
舊作筭今箭尺廣二步剪於下水五寸雜長短前外廉三
改下同行外外鄉內亦內鄉三十步一弩廬廬廣十尺袤丈二尺

王曰為成也

隊有急極發其近者往佐其次襲其處守節出入使主節必疏書署其情令若其事而須其還報以劔驗之節出使所出門者輒言節出時摻者名言操節人即出門者當記其名百步一隊閣通守舍相錯穿室治復道為築墉墉善其上先行德計謀合乃入葆葆人守無行城無離舍諸守者審知卑城淺池而錯守焉晨暮卒歌以為度用人少易守取疏此正字下作蔬俗令民家有三年畜蔬食以備湛旱歲言湛溺大水與旱不為常令邊縣豫種畜芫芸烏喙株葉外宅溝井可實塞實同不可置此其中言此數物有毒可置外宅不可置中安則示以危危示以安寇至諸門戶令皆鑿而類竅之各為二類一鑿而屬繩繩長四尺大如指寇至先殺牛羊雞狗烏鴈說文云鴈鵞也此與鴻雁異呂氏春

从王改

从王改

秋云莊子舍故人之家故人令豎子為殺鴈饗之亦見莊子新序束奢云鄒穆公有令食鳧鴈必以糝無得以粟皆呼鴈猶曰雁鵞收其皮革筋角脂萌舊收作牧皮作支俱以意改萌即考工記剗字木羽菟皆剗之吏檀桐詳未為鐵錐厚簡為衡枉事急卒不可遠令掘外宅林謀多少若治城口為擊三隅之重五斤已上諸林木渥水中無過一棧說文云檝海中大船臣鉉等曰今俗別作棧案唐隆闡禪師碑又作棧此作棧皆假音字塗茅屋若積薪者厚五寸已上吏各舉其地界中財物可以左守備者兵有讒人有利人有惡人有善人有長人有謀士有勇士有巧士有使士有內人者外人者有善人者有善門人者守必察其所以然者應名乃內之民相惡若議吏吏所解皆禮書藏之以須告之至以參驗之睨者小五尺不可卒者為署吏

此尚有不悅文

令給事官府若舍藺石厲矢諸材舊作林以意改器用皆謹部各

有積分數為解車以枹城矣以輅車漢書注服虔云輅音瑤立乘小車也輪

軛此轂字異文無疑廣雅云軛車也曹憲音枯又音姑廣十尺輅長丈為三輻廣六

尺為板箱長與輅等四高尺善蓋上治令可載矢子墨子

曰凡不守者有五城大人少一不守也舊作者以意改城小人眾

二不守也人眾食寡三不守也市去城遠四不守也畜積

在外富人在虛五不守也率萬家而城方三里言大率萬家而城方

三里則可守

墨子佚文

樂者聖王之所非也而儒者為之過也見荀子當是非樂篇文

孔子子字皆鮒所更見景公曰先生素不見晏子乎對曰

晏子事三君而得順焉是有三心所以不見也公告晏子

晏子曰三君皆欲其國安是以嬰得順也聞君子獨立不

慙于影今孔子伐樹削迹不自以為辱身窮陳蔡不自以

為約始吾望儒貴之今則疑之景公祭路寢聞哭聲問梁

邱據對曰魯孔子之徒也其母死服喪三年哭泣甚哀公

曰豈不可哉晏子曰古者聖人非不能也而不為者知其

無補於死者而深害生事故也見孔叢詰墨篇疑非儒上第二十八篇文

堂高三尺索隱云自此已下韓子之文故稱曰也土階三等茅茨不翦采椽

不刮食土簋啜土刑糲梁之食藜藿之羹夏日葛衣冬日

鹿裘其送死桐棺三寸舉音不盡其哀見史記太史公自序又見文選注後

漢書注文皆微異今韓非子雖有之然疑節用中下篇文

年踰十五則聰明思慮無不徇通矣

見裴駟史記集解索隱十五作五十無不

作不云作十五非是

禽滑釐問於墨子曰錦繡絺紵將安用之墨子曰惡是非吾用務也古有無文者得之矣夏禹是也卑小宮室損薄飲食土階三等衣裳細布當此之時黻無所用而務在於完堅殷之盤庚大其先王之室而改遷於殷茅茨不剪采椽不斲以變天下之視當此之時文采之帛將安所施夫品庶非有心也以人主為心苟上不為下惡用之二王者以化身先于天下故化隆於其時成名於今世也且夫錦繡絺紵亂君之所造也其本皆興於齊景公喜奢而忘儉幸有晏子以儉鑄之然猶幾不能勝夫奢安可窮哉紵為

鹿臺糟邱酒池肉林宮牆文畫彫琢刻鏤錦繡被堂金玉珍瑋婦女優倡鐘鼓管絃流漫不禁而天下愈竭故卒身死國亡為天下戮非惟錦繡絺紵之用邪今當凶年有欲予子隨侯之珠者不得賣也珍寶而以為飾又欲予子一鍾粟者得珠者不得粟得粟者不得珠子將何擇禽滑釐曰吾取粟耳可以救窮墨子曰誠然則惡在事夫奢也長無用好末淫非聖人之所急也故食必常飽然後求美衣必常暖然後求麗居必常安然後求樂為可長行可久先質而後文此聖人之務禽滑釐曰善見說苑疑節用中下篇文吾見百國春秋史見隋李德林重荅魏收書禽子問天與地孰仁墨子曰翟以地為仁太山之上則封

禪焉培塿之側

太平御覽作沉

則生松柏下生黍苗莞蒲水生龜

鼃龜魚民衣焉食焉死焉地終不責德焉故翟以地爲仁

見藝文類聚又見北堂書抄太平御覽吳淑事類賦文微異

申徒狄曰周之靈珪出於土石楚之明月出於蚌蜃

見藝文類

聚

畫衣冠異章服而民不犯

見文選注

墨子獻書惠王王受而讀之曰良書也

見文選注

時不可及日不可留

見文選注

備衝篇

見詩正義

備衝法絞善麻長八丈內有大樹則繫之用斧長六尺令

有力者斬之

見太平御覽疑備衝篇文

申徒狄謂周公曰賤人何可薄也周之靈珪出於土石隨

之明月出於蚌蜃少豪大豪出於污澤天下諸侯皆以爲

寶狄今請退也

見太平御覽又一引云周公見申徒狄曰賤人強氣則罰至申徒狄曰周之靈珪出

於土口楚之明月出口蚌蜃五象出於漢澤和氏之璧夜光之珠三棘六異此諸侯之良寶也疑今耕柱篇脫文

桀女樂三萬人晨諫聞於衢服文綉衣裳

見太平御覽

秦穆王遺戎王以女樂二八戎王沈於女樂不顧國亡政

國之禍

見太平御覽

良劍期乎利不期乎莫邪

見太平御覽

禹造粉

見太平御覽

子禽問曰多言有益乎墨子曰蝦蟆蛙蠅日夜而鳴舌乾

樨然而不聽

一引作口乾而人不聽之

今鶴鷄時夜而鳴天下振動多

言何益唯其言之時也

見太平御覽

昔夏之衰也有推侈大戲殷之衰也有費仲惡來足走千

里手制兕虎

見太平御覽

神機陰開剗劇無迹人巧之妙也而治世不以爲民業

又工人下漆而上丹則可下丹而上漆則不可萬事由此也

又神明鈎繩者乃巧之具也而非所以爲巧

又神明之事不可以智巧爲也不可以功力致也天地所包陰陽所嘔

雨露所濡以生萬殊翡翠瑋碧玉珠文采明朗澤若濡

摩而不玩久而不渝奚仲不能放魯般弗能造此之大巧

又夫至巧不用劔

又

大匠大不斲

又

夫物有以自然而後

人事有治也故大匠不能斲金巧治不能鑠木金之勢不

可斲而木之性不可鑠也埏埴以爲器剗木而爲舟爍鐵

而爲刃鑄金而爲鍾因其可也

見太平御覽而文不似墨子或恐誤引他書

右二十一條今本所脫由沅採摭書傳附十五卷末其

意林所稱已見篇目考中不更入也

丁卯四月二十三日校畢子高記是日

聖訓廿九諸答同譚天文占論出學

是樂木出日氏方止學有聚火氣已

麻三出日矣

墨子目卷之十六

卷之一

親士第一

脩身第二

所染第三

法儀第四

七患第五

辭過第六

三辯第七

卷之二

尚賢上第八

尚賢中第九

尚賢下第十

卷之三

尚同上第十一

尚同中第十二

尚同下第十三

卷之四

兼愛上第十四

兼愛中第十五

兼愛下第十六

卷之五

非攻上第十七

非攻中第十八

非攻下第十九

卷之六

節用上第二十

節用中第二十一

節用下第二十二

節葬上第二十三

節葬中第二十四

節葬下第二十五

卷之七

闕

闕

闕

天志上第二十六

天志中第二十七

天志下第二十八

卷之八

明鬼上第二十九 闕

明鬼中第三十 闕

明鬼下第三十一

非樂上第三十二

卷之九

非樂中第三十三 闕

非樂下第三十四 闕

非命上第三十五

非命中第三十六

非命下第三十七

非儒上第三十八 闕

非儒下第三十九

卷之十

經上第四十

經下第四十一

經說上第四十二

經說下第四十三

卷之十一

大取第四十四

小取第四十五

耕柱第四十六

卷之十二

舊云十三同卷者
梵本分帙如此

貴義第四十七

公孟第四十八

卷之十三

魯問第四十九

公輸第五十

□□第五十一

卷之十四

備城門第五十二

備高臨第五十三

□□第五十四

□□第五十五

備梯第五十六

□□第五十七

備水第五十八

□□第五十九

□□第六十

備突第六十一

備穴第六十二

備蛾傳第六十三

卷之十五

□□第六十四

□□第六十五

□□第六十六

□□第六十七

迎敵祠第六十八

旗幟第六十九

號令第七十

禱守第七十一

按舊本皆無目隋書經籍志云墨子十五卷目一卷馬

總意林云墨子十六卷則是古本有目也考漢書藝文志云墨子七十一篇高誘注呂氏春秋云七十二篇疑當時亦以目爲一篇耳藏本云闕者八篇而有其目節用下節葬上中明鬼上中非樂中下非儒上是也當是宋本如此而館圖書目云自親士至禱守爲六十一篇亡九篇恐是八譌爲九又七十一篇亡其九當存六十二而云六十一亦二之譌也其十篇者藏本并無目亦當是宋時亡之然則宋時所存實止五十三篇耳然詩正義引備衝篇則尙存其目而不知列在弟幾太平御覽引有備衝法正在此篇則宋初尙多存與南宋人所見十三篇一本樂臺曾注之卽自親士至上同是而潛

谿諸子辯云上卷七篇號曰經下卷六篇號曰論共十三篇又有可疑夫墨子自有經上下經說上下在十三篇之後此所謂經乃親士修身所染法儀七患辭過三辯七篇與下尚賢尚同各三篇文例不異似無經論之別未知此說何据以意求之或以經上下經說上下及親士修身六篇爲經其說或近以無子墨子云云故也然古人亦未言之至樂臺所注見鄭樵通志藝文略而焦竑國史經籍考亦載之似至明尚存卒亦不傳何也若錢曾云藏會稽鈕氏世學樓本共十五卷七十一篇內亡節用等九篇者實卽今五十三篇之本內著闕字者八篇錢不深核耳

墨子目卷之十六

靈巖山館刊

丁卯秋七月庚辰日此本贈會稽

倪元卿 聖三記之

國



皇朝文獻通考



